

**Bosna i Hercegovina**  
**Federacija Bosne i Hercegovine**  
**Kanton Sarajevo**  
**Komisija za tumačenje Kolektivnog ugovora za djelatnost visokog obrazovanja i nauke na Univerzitetu u Sarajevu**

**Broj: 27-02-52494-2/24**  
**Sarajevo, 18.12.2024. godine**

Na osnovu člana 48. stav (2) alineja a) Kolektivnog ugovora za djelatnost visokog obrazovanja i nauke na Univerzitetu u Sarajevu („Službene novine Kantona Sarajevo“, broj: 10/24), Komisija za tumačenje Kolektivnog ugovora za djelatnost visokog obrazovanja i nauke na Univerzitetu u Sarajevu u sastavu Dženita Viteškić - predsjednica, Berina Tabak - članica, Prof. dr. Amir Zahirović - član i Dr. Ličina Ramić Aida - članica, povodom Zahtjeva Univerziteta u Sarajevu-Akademija scenskih umjetnosti, broj: 03-4/912 od 29.11.2024., a u vezi sa tumačenjem člana 28. stav (1) Kolektivnog ugovora za djelatnost visokog obrazovanja i nauke na Univerzitetu u Sarajevu („Službene novine Kantona Sarajevo“, broj 10/24), na sjednici održanoj dana **18.12.2024. godine**, d o n o s i

## **O D L U K U**

### **I**

Utvrđuje se tumačenje člana 28. stav (1) Kolektivnog ugovora za djelatnost visokog obrazovanja i nauke na Univerzitetu u Sarajevu („Službene novine Kantona Sarajevo“, broj: 10/24), kako slijedi:

*(1) U slučaju nastanka povrede na radu, teške bolesti ili invalidnosti radnika Univerziteta ili člana njegove uže porodice, iz Budžeta se isplaćuje jednokratna novčana pomoć u visini dvije prosječne neto plaće isplaćene u Federaciji Bosne i Hercegovine prema zadnjem objavljenom statističkom podatku“.*

*Pravo na jednokratnu novčanu pomoć odnosi se na svaku pojedinačnu situaciju teške bolesti, invalidnosti ili povrede na radu, pri čemu se svaka dijagnoza smatra zasebnim osnovom za ostvarivanje prava.*

*Dakle, ako radnik ili član njegove uže porodice već dobije jednokratnu pomoć po osnovu određene dijagnoze, to ne isključuje mogućnost ponovnog ostvarenja ovog prava u slučaju nastanka nove teške bolesti ili invalidnosti, potvrđene medicinskom dokumentacijom.*

### **II**

Ova odluka će se dostaviti Sindikatu Univerziteta u Sarajevu putem Ministarstva za nauku, visoko obrazovanje i mlade Kantona Sarajevo i Akademiji scenskih umjetnosti.

### III

U skladu sa odredbama člana 48. stav (6) Kolektivnog ugovora za djelatnost visokog obrazovanja i nauke na Univerzitetu u Sarajevu („Službene novine Kantona Sarajevo“, broj 10/24), ova odluka ima pravnu snagu i učinak Kolektivnog ugovora, te će se u skladu sa članom 48. stav (10) objaviti u Službenim novinama Kantona Sarajevo i službenoj internet stranici Ministarstva, a obaveza sindikata je da tumačenje ovog Kolektivnog ugovora objavljuje na službenoj internet stranici Sindikata.

Članovi komisije:

Dženita Viteškić, predsjednica

Berina Tabak, član

Prof.dr. Amir Zahirović, član

Dr. Ličina Ramić Aida, član

